

汶川縣志

# 汝川縣志 目次

省府主席張序

民政廳長胡序

教育廳長郭序

汝川縣全圖

## 卷一

疆域

建置

附沿革表

城邑

山川

附溝渠

地勢

地質

氣候

## 卷二

卷二 職官

附司法

黨部

附表

鄉里

附保甲

鄉鎮圖五幅

卷三

賦稅

附權法

倉儲

學校

附捐資置買尤溪山場茶園士庶姓名

卷四

交通

州

附橋梁

郵電

驛站

舖遞

關隘

營汛

塔遞烟墩哨樓

物產

荒地

卷五

祀典

附寺院

清代鄉飲酒禮

風土

附蘿蔔寨之民俗

卷

宗教

語言

卷六

選舉

附議員

仕官

孝義

瓦寺土司

附西路土司

卷七

古蹟

附八景

名勝

藝文

附文獻

附錄

舊志存目

題名錄

## 續修汶川縣志序

方志之輯，所以察疆理建置之宜，省世會通變之跡。凡夫山川輿域，物產貢賦，民俗土風，靡不總括區列，著已往之成規，而未來之施政敷教，率於是取資焉。非特摭拾舊聞驚奇炫博已也。以予所覩，明康海之武功志，清李兆洛之鳳臺志，最稱精當，其他輯錄，鮮有逮者。於以見斯事之難，豈率爾操簡牘者所能爲役哉。十九年予長上海市政，嘗延聘通人，甄訪故實，纂輯市志，未及歲事，而奉命量移。比歲以來，主政鄉邦，復創設省通志館，以列舉例目，廣事採訪爲先務。并飭各縣續修縣志，冀文獻之有徵，庶典型之勿墜。今年春，汶川視縣長首告成書，請序於予。予惟徵文紀獻，必尙體要，正名辨方，尤貴真確。古籍所載，里巷所傳，譌誤滋多，僇野奚取，則攷訂宜精也；瀛海棧通，設施日異，舉凡工藝之興，寶藏之啓，育賢理財之方，農田水利之要，或情與古殊，或事非夙具，則甄採宜備也；祀典之文，類屬通則，翰藻之末，無關政本，往之秉筆者，止取奢博，遂失詳究，濫入之弊，觸目皆是，則抉擇宜審也。具此三善，而又通知古今之宜，殫察利病之跡，斯可以信今傳後，而無愧於作者之林矣。汶川僻處西陲，縣志夙無善本。清嘉慶間李錫書纂汶志紀略，雖於建置沿革，攷之綦詳，而民風物產改土歸流諸政，缺漏實多。今視縣長獨能於從政之暇，躬自纂錄，未暮歲而成書，爲卷七，爲目二十有一。雖未必悉合於前之所謂三善，然攬古甄今，有條不紊，得失利病，庶乎可稽。予既嘉其用力之勤，赴事之勇，且可爲各縣導其先路，爰不辭醜縷，而樂爲之序。

中華民國三十三年八月

張羣

## 續修汶川縣志序

汶川古爲冉駝地屬汶山郡崑漢始置今縣舍谿懷谷風疾天寒雖民漢襍羗而醇風暢古惟文獻不足考鏡無由壬午冬祝子世德來守是邦宜民善俗布政秩然撫循之暇慨然於舊志之無存謀諸邑彥共續修之書成徵序於余余惟禹貢岷山導江史記作汶山導江司馬溫公類篇註汶音岷是汶之與岷蓋二而一意者古人名江則汶稱山則岷以示區別歟揚雄蜀王本紀謂禹本汶山郡廣柔縣人生於石紐考石紐在今縣境然則其地殆爲神禹之所出左太冲有云岷山之精上爲井絡天地運期而會昌景福胙纘而興作宜乎岷江水利見稱於世而民族復興植基於巴蜀也汶雖巖疆不其偉乎斯志之成顧不僅周諮臚風土有裨施政抑亦追思皇古發揚地方文化之一助撫茲貞元彌珍典籍愛識數言以弁其端

中華民國三十一年十二月

日 胡次威謹序

# 汶川縣志敘

夫方志之書豈僅紀其大事輯其佚聞以備歷史學家之采擷而已哉豈僅圖其山川詳其丘里以備地理學家之參驗而已哉亦以作政治敷施之借鑑示社會興觀之嘉撫也故方志之書有學術上之意義兼有政治上之意義有學術上之功用兼有政治上之功用揚榘爲論其在學術上之意義淺政治上之意義深學術上之功用微政治上之功用鉅此非對於政治學術抱有畸重畸輕之見而發爲一軒一輊之議乃因方志之書其鵠的原在政治上之貢獻而不在學術上之貢獻也

方志之書必有骨幹若以文藻爲美以考證爲功豐其肌而弱其骨繁其柯而繭其幹則對於學術固有小補對於政治實無大用非其體之宜也方志之骨幹須依循政治之原則吾國今日政治之最高原則厥維三民主義非實行三民主義無以集禦侮之雄力無以樹建國之良猷無以奏治安之宏功無以成富強之偉業然則居今日之編纂方志其必以三民主義爲骨幹明矣茲略申其概

慨自島夷猖獗神州塗炭饕餮恣其慾心鯨鯢逞其威虐封豕搖其兇喙長蛇流其毒漿吾中華健兒執戈衛國浴血鏖兵志成城肉作壘有効命以捐軀無畏敵而旋踵以久戰之不餒故勝利之可期此即民族主義之高潮足以驚天地而盪風雲壯山河而貫日月仇國爲之震懼友邦爲之贊歎撰方志者對於歷代之忠臣烈士自須表章至於今日禦侮捍難之英成仁取義之儒功無大小名無顯隱皆宜諏訪其事蹟甄記於篇簡以樹風徽而垂矜式俾民族主義之高潮洶湧萬祀而無落此方志之骨幹在於民族主義者也

夏書禹貢周官職方列敘九州言其疆位舉其山水此外禹貢則記其土壤之性質田賦之等別所貢之物品納貢之道路職方則記其物利之分布男女之多寡九穀之所宜六畜之所蕃比而觀之似禹貢注重國用職方注重民生夫民生爲源國用爲流民生裕則國用自足民生困則國用必窘本此以言職方勝於禹貢也撰方志者對於民生事項不可粗略凡當地之物產器械經濟交通農田水利人民之生活職業

生產消耗健康娛樂諸端皆宜有周密之調查正確之統計詳審之記載何者有餘何者不足何者當興何者當革尤貴明白指出以供政府之擇覈而促民生之改進此方志之骨幹在於民生主義者也

昔商君變法而秦強荆公變法而宋弱成敗殊鑣功過異論覃究其故洵有多端而推行之術此得彼失蓋有其主要之原因焉吾國辛亥革命清社爲屋改千年之舊貫躋五族於大同君主一變而爲民主君權一變而爲民權政治上之變化可云劇烈以今衡古商君荆公誠卑卑不足道民元以還迭更闖亂內憂方枚外侮驟來今者抗戰之工作未舉建國之工作方興訓政之時期已未憲政之時期將臨我政府正準備實施憲政發揚民權唯是幅員遼闊人民繁庶教育未克普及民智未達水準社會組織未臻完善且每一地方往往有特殊之情形足以爲憲政之礙輒滋民權之弊端此必須因地而利導也撰方志者對於當地人民之性格思想知識動態社會之組織禮儀風俗習慣皆宜慎爲考察詳爲臚敘尤貴能指出特殊之情形與特殊之問題蒐集材料之時屬擬草稿之際即着眼於憲政之推行民權之應用此方志骨幹在於民權主義者也

綜之方志之體裁因時代而異宜要在契乎時代之精神應乎時代之需要以創新式之範疇勿囿故有之曰窠今日之方志如不以三民主義爲骨幹烏乎可哉烏乎可哉

禹生石紐攷之汝志紀略爲今汝川縣之刳兒坪西蜀之開化既先而汝川之文物尤早祝君世德任汝川縣長之翌年纂修縣志屬稿既竟問序於余余素未治方志之學又未讀祝君之書故不致有所評議爰抒管見以貽祝君祝君往宰斯邑時僅歲餘藉臨政之隙釐修文之業日華匿景脂燭繼輝夙夜勤懇無慙職守縣志之成足以作政治敷施之借鑑示社會興觀之嘉樞亦可斷言人之所見固自略同知祝君必已先得我心故直述所懷而爲之序

# 汶川縣志卷一

## 疆域

原夫天開景慶，地一車書，人遊華宇，物效動階，山陳海隅之鄉，甘肅和風之會，地輿備覽，海會呈圖。汶川東界灌彭，西界懋功，北交茂縣，南極寶崇。江內大道，上通松茂，下達灌成，環山繞水，壁立天梯，置縣設官，司牧其地。山川形勢，人民風俗，限以地域，爲之疆圉。志疆域。

汶邑在岷江上游，居蜀省西部，前代多以大江限內外。今江外已編組保甲，設區鄉鎮以轄之。其幅員則南北二百里，東西當不減五六百里。舊志稱：

汶川地境，袤一百九十五里，廣不計里。東界東岷山，與綿竹山峯相連。東南接彭縣山界。南接灌縣漩口。西南接崇慶州山界。西接西岷，爲瓦寺土司。北接壤茂州。東北界九峯山，交茂州馬廠。西北界雜谷。國初，下水里滋茂鄉，編入灌邑之筏村。兩山夾江。大江以東，上至青坡茂州之榮秀山，抵魚潭灣。下至珠腦壩沈家灣馬鹿頂，沿崗俱接灌縣白沙溝嶺，徑至九峯之南鐵船河，交彭什二邑之山脊。大江以西，沿江直下至漁子河止，前山俱屬縣治，後山俱屬瓦寺。漁子溪河南岸屬灌邑，以上至保縣之城塹止。保城係借地置邑，城內與汶川輸糧。

邑在茂州南一百三十里，東至灌縣界一百四十里，西至瓦寺界二十里，南至灌縣界一百二十里，北至茂州界五十里。按保城即合理番新堡鄉，滋茂鄉即今灌縣興仁清正兩鄉境，而瓦寺屬地，已全編組保甲，故今之汶川，實東界彭縣，南界灌縣崇慶寶興，西界懋功，北界理番茂縣。據二十六年四川省行政研究會估計，爲「東至東經一百零二度五十分，在第一區編戶鎮之桃坪壩口。西至東經一百零二度三十九分，屬第三區極西之斑爛山。南至北緯三十度五十四分，在第三區署所在地之三江口南。北至北緯三十一度二十七分，在第一區雁門鄉北。凡占經度一度十一分，緯度三十三分，面積約三千二百二

十四方公里，占全省面積約百分之二。據實而言，則此估計數字亦謬誤極大。蓋汝邑自南至北，由珠腦瀾經龍溪（十五里），映秀（二十里）、興文坪（三十里）、桃關（三十里）、縣城（三十里）、威州（四十里）、至雁門界（十五里），為一百九十里。自東至西，由桃關溝（三十里）、經草坡（三十五里）、跟達（九十里）、臥龍（一百二十里）、獅生（一百里）、至向陽坪（五十里）西界，為四百二十五里。桃關溝以東，無法計算。計全縣面積，估計至少為八萬零七百五十方里，與三千二百二十四方公里較，固當六倍之也。

# 建置

周禮：縣州都鄙，皆在畿甸外。秦廢封建爲郡縣，後世因之，蜀郡起於秦前，則葦服也。秦始設太守，領全蜀。漢時，漸置州縣。汝川置縣最早，沿及於明，沿革損益，歷年不廢。獻賦之亂，燬棄無存，文獻無徵，事難備考。清初始因舊治立縣，城池官署，漸漸而備。然邊鄙彈丸，事多因陋，苦限於地勢，而將事者亦多難於修舉云。楊升菴曰：岷字，說文作嶷，省作岷。漢人隸書作汶，多與汶上之汶相混。列子落不踰汶，爲川江，非汶上也。司馬溫公稱篇，謂汶音岷。史記引禹貢，皆作汶。蓋古通用。五代史徐無黨註：汶讀作岷。

汝川舊爲蜀山氏地。周末時，爲冉駹夷人地。漢爲廣縣，屬蜀郡。東漢爲廣漢郡。蜀漢置汶嶧郡。晉改綿虜縣曰汶山，東晉郡徙都安而縣廢。周置汶川縣，仍於縣置汶山郡。隋廢郡。唐以汶川縣屬茂州。宋熙寧九年，即置威戎軍使。政和六年，改延寧軍。宣和三年，廢軍爲縣。南宋以汶川縣屬茂州。元至元十九年，以戶口稀少，改設巡檢司，後復置。明屬成都府，宣德間，移治寒水驛。雍正五年，改隸茂州。民國廢州，隸西川道，旋廢道隸四川省。

綿虜故縣，在縣北，漢置，屬蜀郡。後漢曰綿虜道，季漢改置汶山郡，又改縣曰汶山。東晉後廢。水經注：湍水出綿縣，亦曰綿夷縣，即汶山郡治，昭烈所置。元和志：汶川縣北至茂州一百里，本漢綿虜縣地，因縣西汶水爲名，仍於縣置汶山郡。隋開皇三年，罷郡，屬汶川。唐屬茂州。宋元因之。明宣德中，古維州爲生番所尅，移治霸州，復羅番寨，遂遷威治於汶川縣，而遷汶川治於寒水驛北。

廣柔廢縣，在舊縣城西南七十二里大邑坪，漢置，屬蜀郡。晉初，屬汶山郡，尋廢。

威戎軍城，在舊縣西。唐志：茂州有威戎軍。宋志熙寧九年，即汶川縣置威戎軍使。政和六年，後延後饒納出，置威戎軍城，改名延寧。宣和三年，廢爲寨，屬茂州。四年，又廢皆入汶川縣。

繩州舊治，在桃關，梁普通年置，後廢。

察院，在縣治東，明副使謝朝宣建，清初廢。

布政分司，在縣治東北，明宏治中建，清初廢。

兵備道行臺，在縣治西北，明驛使謝朝宣建。清初廢。

明萃館，在城南，宋慶元中建。清初廢。

名勝記曰：漢武置汝山郡，即置縣曰汝江矣。蜀水經曰：汝川縣，故綿鹿縣也，漢置，屬蜀郡。後漢為綿鹿道。蜀置汝山郡汝川縣。隋開皇六年，分置金川縣。十八年，改金川為通化。宋天聖元年，改通化為金川。景祐四年，復為通化。熙寧九年，置威戎軍。政和六年，改延寧。宣和三年，廢軍置縣，屬茂州。四年，省寨入汝川縣。明初廢通化，以後出屬茂州府云。

史記：漢武帝使司馬相如，馳四乘之傳，持節開蜀道，畧定西夷。邛笮冉駹，請為內臣。除邊關，關益斥，西至沫若水。南至牂牁為徼。又冉駹振恐，請臣僕吏。乃以冉駹為汝山郡。

漢書西域傳：漢使還西域，道出冉駹，冉駹人遮殺漢使者，故西道不通。考冉駹夷，今之汝川地也。按汝川赴西壤亦有二道：一從雜谷，一從瓦寺之草坡出懋功，會於建昌（今雅安西昌等地）。

漢書：冉駹夷，土氣多寒，盛夏水猶不釋。夷人冬則避寒，入蜀為備，夏則反其邑，累石為室，高者至十餘丈。有清中葉，其風俗猶存。

按禹貢：梁州之域，天文井參分野，古為冉駹地。唐虞為氏羌。夏為要服荒服。商仍氏羌。周為蜀羌。秦分四郡，梁曰蜀郡，別冉駹地為湔氐道。漢武帝平西南夷，始置汝山郡，即金威茂汝灌之地。宣帝省汝山郡，置北都都尉。光武仍為蜀郡，置三道：曰湔氐，曰汝山，曰綿虜。隸益州。靈帝復置汝山郡，領縣三：曰汝江，曰廣柔，曰蠶陵。隸益州。昭烈改為汝陽郡。晉仍汝山郡，領州一，曰松。縣八：曰汝山，曰昇廷，曰都安，曰廣陽，與樂，平康，蠶陵，廣柔。隸益州。梁改繩州，復改汝州。後周仍汝州，置清江郡。隋改蜀州，尋復汝山郡。唐初改為南會州，置總管府，貞觀間，改為茂州，置薛城縣，又置都督府，領縣四：曰汝川，石泉，薛城，通化。開元改為通化郡，置都督府，維州翼州，俱置都督府。屬劍南道。肅宗復為茂州通化郡，隸都督府。代宗時，沒於土番。宣宗時，首領以州內附，領縣三：曰薛城，通化，歸化。屬劍南道。孟蜀茂州仍舊，維州改保州，為保寧。宋仁宗景祐間，改維州為威州。神宗詔茂州，置威軍，尋復茂州，領縣三：曰汝山，曰汝川，曰石泉。維州為威州通化軍。尋復併保寧為威州，領縣二：曰保寧，曰通化。茂州為羅州郡，並屬益州路。元茂州立總管府，併領靜州，岳希，蓬隴，木頭，各設軍民千戶所，又立茂州軍民安撫司，威州亦立總管府及軍民安撫司，俱隸四川道廉訪司。明洪武八年，征蠻通道，設平羌將軍都督府，鎮守松潘威茂。宣德間，設都察院，經略地方。正統間，

設布政分司，帶管糧儲，住劄茂州，帶管松潘。按察分司，帶管兵備，住劄松潘，帶管威茂。宏治間，始設整飭威茂等處地方兵備，總理糧儲按察司副使，曰威茂道，轄州二：曰茂州，曰威州。縣三：曰汶，曰保，曰灌。衛一：曰茂州衛。所四：曰左，曰右，曰中，曰前。守禦千戶所三：曰威州，曰灌縣，曰蠶溪。隸四川省。洪武十四年，以汶川縣省入為茂州，領縣一：曰汶川。後改屬成都府。雍正五年，復隸茂州。

按漢武帝置汶山郡，在今之茂州。蜀漢置汶川縣，即於縣置汶山郡。晉徙汶山郡於都安，在今之灌縣。故茂州、汶川、灌縣，皆稱汶山云。

時代	名稱	隸屬
古	冉駹	
唐	氏羌	
夏	要服荒服	
商	氏羌	
周	蜀羌	
秦	冉駹	隸氏
漢	汶川縣	汶山郡
東漢	綿虜道	益州
蜀漢	汶江縣	汶陽郡
晉	汶山縣	汶山郡
梁	汶州	
後周	汶川縣	
隋	汶川縣	
唐	汶川縣	茂州
宋	汶川縣	茂州

隸屬

考

周末仍為冉駹

平西南夷後設置

靈帝復置汶川縣隸汶山郡

東晉廢縣郡徙都安

初廢郡改汶州尋復汶山郡

唐初屬南會州開元中屬通化郡肅宗時復隸茂州

神宗罷茂州即縣置威茂軍使尋復茂州

建置

五

汝川縣志

卷一

六

南宋  
南元明清民國

汝川縣  
汝川縣  
汝川縣  
汝川縣  
汝川縣

茂州  
茂州  
成都府  
茂州  
四川省

至正十九年以戶口稀少改設巡檢司後復置  
宣德間移治寒水驛即今治也

# 城邑

汝之有城，自明正德七年始。舊志於建置中，謂「明正德七年，知縣李明築石城，周一百四十二丈，高一丈六尺，二門，門各有樓。」復於城邑中，稱「汝無城，汝之有城，自邑令李天駿始。」是曲筆，且不能自圓其說者也。因著其源，而以縣治之管轄附之。

汝川故城，在今理番縣新堡鄉東山腰之坦平處，即清古城坪，今俗所稱之姜維城是。明宏治中，擬遷威州於汝川，知州趙符節，千戶趙方築威城包玉壘其內，石壁刻玉壘山三大字。漢之綿虜，晉唐以下之汝山汝川，俱係故城。正德七年，以生番擾破壩州，遂徙玉壘，更名威州，而遷汝川於寒水驛。今汝城絕小，因驛治也。

汝川新城，為明正德七年知縣李明所築，山石砌垣，初不甚固，城周一百四十二丈，高一丈六尺。二門，門各有樓。先是汝川地瘠多荒，草坡生番尤為桀驁，故設巡檢一員。以建新城為縣治，遂裁巡檢。康熙四十七年，大水，城壞，年久未修。乾隆二十八年，知縣李天駿，始詳請勦修，仍以山石亂砌，塗以白堊，名曰虎皮石。規模較前為大，計城高一丈八尺，底寬九尺，頂寬六尺，週圓二百八十丈，城口五百二十八。上下二門，南曰永豐，北曰寧遠。城樓二所。蓋距城壞與修建之時，竟為五十五年矣。是時城中居民不及廿家，又無井泉，汲道取於城外。而城當松茂孔道，每有警，即人心惶惑，不可終日。嘉慶五年，歲次庚申，賊匪竄入裕藩，遑遑歸化，警報皆至。知縣李錫書，以城不可守，募夫於城外山水會險處，起上下二關，相距二里許。自三月二十四日至四月十五日，戒嚴。聞賊衆折入石泉，走龍安，城中乃定。上關在索橋外，壁立千仞，飛鳥絕跡，下臨大江，懸流萬仞，中通一綫，路不容車，亦一險也。舊志稱：自有關則城固，而盜竊無所容，民亦漸阜繁云。

縣治，明宣德間，草建正堂，其宅倉分建縣門外。宏治中，知縣張質改作瓦廳。幕宅一所，典史王彥芳修，明末燬。清順治間，知縣張耀祖始建大堂三楹。康熙元年，知縣陸洽源建頭門儀門東西角門。十九年，知縣陳名蟠重修。康熙六年，知縣陸洽源建西宅一座三間，匾曰絳雪齋。康熙八年，知縣田卜昌建川堂一座，匾曰玉翰清署。道光中，知縣陳立齋，修建釋房六所。後此邑令，代有修葺，遂蔚然呈今日之壯觀。

正街柏油路，為民國知事雷蔚華所築，路平且直，垂楊夾道，行旅至此，僉感有內地風光焉。

# 山川

汝川之山，為蜀山之首，其川，則古所謂之江源也。昔人有考其源委者云：禹貢，岷山導江。史記，作岷山。輿地里志：岷山，在湍氏道西徼外。華陽國志：汝山，在汝山郡左封縣；又，汝山在臨洮郡臨洮縣。括地志：岷山，在益縣，連綿至蜀，幾三千里，皆名嶺山。寰宇記：羊膊山，在平康縣。輿地廣記：岷山，在汝山縣西北，俗名鐵豹嶺。方輿勝覽：禹貢梁州之山四，岷嶽蔡蒙，西山皆岷，北山皆嶓，南山皆蒙也。一統志：在茂州列鵝村，去州四十里，其高六十里，山有九峯，四時積雪，經暑不消，每晨光射之，爛若紅玉，去成都五百里，西望之者在戶牖，居人呼為九頂山，杜子美詩所咏西山是也。元和郡國志：岷山郡汝山，南去青城山百里，天色清明，望見成都，山頂積雪，常深百尺，夏月融消，江為之溢，即隴之南首也。史註云：在隴南郡岷州溢洛南一里，連綿至蜀二千里，皆為岷山，連峯疊嶂，重接險阻，不詳遠近，青城天彭諸山之所環繞，其為羊膊山，為鐵豹嶺，為嶺山，為鴻濛，為汝嶺，皆是也。

江自湍氏道西徼外，流入松潘也，又東南經疊溪茂州，過保子關索橋外，東合沱流，入汝川縣。益州記：大江泉流，始發羊膊嶺下，緣崖散漫，水大百數，殆未濫觴，東南下百餘里，至白馬嶺，曲行二千餘里，至龍洞，又八十里，至蠶陵縣，又南六十里，至石鏡，又六十餘里而至北部。元和志：有江源鎮，在汝川縣西北三十里。江源記云：江發源於陝西臨洮之本塔山，水自山頂分東西流。東流者，即岷江也。由草地甘松嶺（即今弓檳嶺）八百里至漳臘。由磨刀灣達於松潘。至下水關入紅花屯。經番堡至穆肅堡，黑水從南合之。入深溝，經茂州至汝川。轉嶺，合草坡河出麓崖關至灌口，分道而下。在威玉壘西，為玉輪江。在汝川為皂江。在灌口過新繁入成都，為外江。由溫江東府入流，為皂江。自落口分流，經漢州新都入簡州資陽，為中江。省志：一名滴水。滴水每筋較沱水輕二兩。滴水，即次玉水也。按江源出於黃河之西巴顏哈拉嶺七七勒哈納，番名岷捏撮。古人誤以岷源即江源，誤也。今備載其源流，為山川志。

## 山

岷山，來自中條崑崙北嶺脈之巴顏哈喇山系，經西康入川。向東一支縣延於川北，即陝鄂兩省邊界者，稱大巴山脈。餘自松潘北境，歧而為二，由此而南，夾峙岷江。在江岸之東者，如弓檳嶺，雪山，太白，九峯，娘子嶺等高山，統名鹿頭山